

Na osnovu Plana korištenja sredstava posebne naknade za zaštitu od prirodnih i drugih nesreća za 2019. godinu, broj: 22-08-44-299-2.1/19 od 20.02.2019. godine, a u skladu sa Budžetom Kantona Sarajevo za 2019. godinu („Službene novine Kantona Sarajevo br. 6/19) i Izmjenama i dopunama Budžeta Kantona Sarajevo za 2019. godinu („Službene novine Kantona Sarajevo br. 26/19), te Zakonom o izvršenju Budžeta Kantona Sarajevo („Službene novine Kantona Sarajevo br. 6/19 i br. 26/19),

**KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Samir Džihović (u daljem tekstu: Uprava)

i

**OPĆINA ILIJAŠ**, ulica 126. Ilijaške brigade br. 6, 71380 Ilijaš, koju zastupa Općinski načelnik Akif Fazlić (u daljem tekstu: Općina),

sa

**ZAVODOM ZA IZGRADNJU KANTONA SARAJEVO**, ul. Kaptol br. 3, 71000 Sarajevo, kojeg zastupa direktor Mirza Hulusić, dipl.ing.arh., (u daljem tekstu: Zavod),

zaključuje dana 12.07.2019. godine

## **S P O R A Z U M**

### **o sufinansiranju Projekata regulacije riječnih korita na području Općine**

#### **I PREDMET SPORAZUMA**

##### **Član 1.**

Predmet ovog Sporazuma je regulisanje prava i obaveza između sporazumnih strana, a u vezi sa sufinansiranjem sljedećih projekata planiranih u 2019. godini:

- a) Regulacija korita rijeke Ljubine na lokalitetima Srednje,
- b) Regulacija korita rijeke Ljubine na lokalitetima Čevljanovići,
- c) Regulacija korita rijeke Ljubine na lokalitetima Dubrave.

#### **II OBAVEZE SPORAZUMNIH STRANA**

##### **Član 2.**

Sporazumne strane se obavezuju da će sufinansirati projekte iz člana 1. ovog Sporazuma i to:

a) Projekat „Regulacije korita rijeke Ljubine na lokalitetima Srednje“ Uprava će sufinansirati u iznosu do 29.000,00 KM (slovima: dvadesetdevet hiljada KM), a preostala sredstva do završetka projekta obezbijediti će Općina iz svog Budžeta,

b) Projekat „Regulacije korita rijeke Ljubine na lokalitetima Čevljanovići“ Uprava će sufinansirati u iznosu do 16.000,00 KM (slovima: šesnaest hiljada KM), a preostala sredstva do završetka projekta obezbijediti će Općina iz svog Budžeta,

c) Projekat „Regulacije korita rijeke Ljubine na lokalitetima Dubrave“ Uprava će sufinansirati u iznosu do 34.000,00 KM (slovima: tridesetčetiri hiljade KM), a preostala sredstva do završetka projekta obezbijediti će Općina iz svog Budžeta.

##### **Član 3.**

Sporazumne strane su saglasne da Općina:

- a) pribavi sve potrebne dozvole za izvođenje radova i riješi imovinsko-pravne odnose na planiranoj trasi regulacije;

- b) provede proceduru i izvrši izbor najpovoljnijeg izvođača radova, shodno Zakonu o javnim nabavkama („Službeni glasnik BiH“ br. 39/14) i sa istim zaključi ugovor o izvođenju radova predviđenih Projektima iz člana 1. ovog Sporazuma;
- c) delegira jednog člana Komisije za javne nabavke ispred Uprave;
- d) po okončanju procedure javne nabavke, Upravi dostavi po jedan primjerak Odluke o izboru najpovoljnijeg ponuđača i ugovora zaključenog i potpisanog sa izvođačem;
- e) imenuje stručno lice (uposlenika Općine), čiji je zadatak koordinacija aktivnosti na realizaciji Projekata iz člana 1., ovog Sporazuma sa izvođačem radova, nadzornim organom i Upravom.

#### **Član 4.**

Sporazumne strane su saglasne, da Zavod za izgradnju Kantona Sarajevo, vrši nadzor nad izvođenjem radova predviđenih Projektima iz člana 1. ovog Sporazuma.

#### **Član 5.**

Sporazumne strane su saglasne da finansijska sredstva predviđena za realizaciju ovih Projekata Uprava doznači na račun Općine, nakon provedene procedure izbora najpovoljnijeg ponuđača i ispostavljenih situacija ovjerenih od strane nadzornog organa određenog članom 4. ovog Sporazuma.

#### **Član 6.**

Općina će izmirivati obaveze prema izabranom izvođaču radova na osnovu ispostavljenih i ovjerenih situacija od strane nadzornog organa određenog članom 4. ovog Sporazuma.

#### **Član 7.**

Općina se obavezuje da će po završetku Projekata iz člana 1. ovog Sporazuma, Upravi dostaviti izvještaj sa finansijskog i tehničkog aspekta o realizaciji istih, te utrošku sredstava predviđenih ovim Sporazumom zajedno sa kompletnom dokumentacijom koja je bila obavezna i korištena za realizaciju ovih Projekata.

#### **Član 8.**

Sve ispostavljene situacije izvođača radova koje općina dostavi Upravi, zaključno sa danom 31.12.2019. godine, realizirat će se na teret Budžeta za 2019. godinu, a ugovorene finansijske obaveze koje sa danom 31.12.2019. godine ne budu situirane i dostavljene Upravi, biće predmet dogovora u 2020. godini, shodno obezbijeđenim finansijskim sredstvima.

### **III ZAVRŠNE ODREDBE**

#### **Član 9.**

Sporazumne strane su saglasne da ravnopravno budu zastupljene u medijskom, odnosno javnom informisanju tokom pripreme, realizacije i završetka projekata. Shodno članu 3. Uredbe o uređenju gradilišta i obaveznoj dokumentaciji na gradilištu i sudionicima u građenju, Općina će osigurati da se na vidnom mjestu postavi tabla sa svim relevantnim podacima o investitoru, izvođaču radova, projektantu, nadzoru, nazivu i vrsti građevine, vremenu početka i završetka radova, kao i da obavijesti Upravu o početku radova 7 dana prije otvaranja gradilašta, kako bi predstavnici Uprave izvršili uvid u lokalitet gradnje, organizaciju gradilišta i spremnost projekta za realizaciju, te po potrebi organizira medijsku prezentaciju projekta.

#### **Član 10.**

Ukoliko dođe do spora po ovom Sporazumu, sporazumne strane će nastojati riješiti spor mirnim putem, u protivnom nadležan je sud u Sarajevu.

**Član 11.**

Ovaj Sporazum sačinjen je u 6 (šest) istovjetna primjerka od kojih svaka od sporazumnih strana zadržava po 2 (dva) primjerka, i isti stupa na snagu danom potpisivanja.

**OPĆINA ILIJAŠ ZAVOD ZA IZGRADNJU KS**

**NAČELNIK**

**DIREKTOR**

**KANTONALNA UPRAVA  
CIVILNE ZAŠTITE KS  
DIREKTOR**

*Mirza Hulusic, dipl.ing.arh.*

*Samir Džihic*

Broj: 01/2-179/19

Broj: 03-033-1918-

Broj: 03-44-199.2/19

Sarajevo, 12.07.2019.godine

Sarajevo, 12.07.2019.godine

Sarajevo, 12.07.2019. godine

